

ԷՄՄԱ ԿՈՍՏԱՆԴՅԱՆ. Մկրտիչ Խրիմյան. հասարակական-քաղաքական գործունեությունը. Ձանգակ -97 հրատ., Երևան, 2000, 448 էջ:

Հեղինակը հայտնի անուն է Հայաստանի ոչ միայն սլատմաբանների, այլև՝ ընթերցողների լայն շրջանում: Արխիվային վավերագրերի և նյութերի ընդգրկմամբ նրա հրատարակումների մեջ առանձնանում է Գարեգին Սրվանձտյանին նվիրված ուսումնասիրությունը, որը ժամանակին արժանացել է մասնագետ պատմաբանների բարձր գնահատականին: Ասկայն պատմաբանի ստեղծագործական ուղու գլխավոր արգյունքը Մկրտիչ Խրիմյանին (1820-1907) նվիրված մեծածավալ և մեծարժեք ուսումնասիրությունն է:

Խրիմյան մարզը, գրողը, հասարակական գործիչը, եկեղեցականը բացառիկ երևույթ էր Հայ ժողովրդի XIX դարի երկրորդ կեսի և XX դարի առաջին տարիների պատմության մեջ:

Մնված լինելով ժողովրդական տառապանքի ընդերքում, Խրիմյանն իր գիտակցական կյանքն անմնացորդ նվիրաբերեց թուրքական գեհնում տվախող արևմտահայության ազատագրության գործին, մշտապես դտնվեց ազգի համար ամենաբախտորոշ ժամանակաշրջանի փոթորկահույզ ալեբախումների հորձանուտում:

Խրիմյանի ամբողջ կյանքն ազգանվեր վազք էր: Այդ մարզը մարմնավորում էր հարազատ ժողովրդի պայքարի ոգին: Մարդկային բարձր առաքինություններով ու հսկայական հմայքով նա կարողանում էր ալեկոծել հազարավոր սրտեր, իր անհատնում եռանդը փոխանցել ժողովրդական գանգվածներին, նրանց տանել իր հետևից և դուրս բերել ազատագրական կռվի ճամփաները:

Խրիմյանի նկատմամբ ամբողջ ազգի տածած մաքուր ու անեղծ զգացումը, համընդհանուր համակրանքը մարմնավորվել էին գանգվածների կողմից նրան տված «Հայրիկ» համեստ անվան մեջ:

Ահա եզակիորեն հոյակապ այս անհատի մեծ կյանքին ու բազմաբեղուն

գործունեությանն է նվիրված քննարկվող գիրքը:

Մեղանում առաջին անգամ այս աշխատության հեղինակն է համակողմանի ուսումնասիրել Խրիմյան հասարակական գործիչի, եկեղեցականի ու գրողի գործունեությունը: Բայց գիրքը մի անձի ապրած երկարատև և իմաստալից կյանքի լուսաբանումը չէ սոսկ: Այդ կյանքի լեցուն էջերը անխզելիորեն շողկապված են քննարկվող ժամանակաշրջանի բախտորոշ իրադարձություններին: Հետևապես, գրել Մկրտիչ Խրիմյանի մասին, ասել է թե՛ գրել Հայ ժողովրդի նոր շրջանի պատմության մի տեական շրջափուլի մասին: Աշխատության հեղինակը հետապնդել է հենց այդ նպատակը՝ իր հերոսի մասին պատումը հյուսելով իրադարձությունների և դեպքերի լայն համապատկերի վրա:

Զթուլացող հետաքրքրությունը են ընթանում Խրիմյանի կյանքի առաջին շրջանին նվիրված էջերը: Մկրտիչն ապրում էր Հայրենի հողի գրկում, ըմբռնում առասպելական ժողովրդի հին-հին հիշատակները, հայրենիքի ողբերգական վեհույթությունն ու գեղեցկությունը: Հենց այս շրջանում է, որ, ինչպես իրավացիորեն նշված է աշխատության առաջին գլխում, նրա զգայուն սիրտը ընդհարվում է թուրքական դաժան ու ավերիչ ուժերի սարսափներին, իր հարազատ ժողովրդի տառապալից ստրկությանը, նրա չարքաշ համբերությանը, նաև՝ կորովին:

Հետո դալիս են հուզմունքով, եռանդով ու ավյունով լի հետագա տարիները՝ կազմելով մաքառումների և ըմբոստացումների մի երկար շղթա, որը ձգվում է մինչև մեծ կյանքի վախճանը:

Իր նյութը գերազանց տիրապետող պատմաբանը մեծ հմտությամբ քննում է Խրիմյանի հասարակական գործունեության սկզբնավորման ժամանակաշրջանի իրողությունները, ցույց տալիս, թե ինչպիսի

համառ աշխատասիրությունը, մտավոր ու ֆիզիկական ունակությունների ինչպիսի գերլարումով ընդամենը մի քանի տարում նա կարողանում է ձեռք բերել հսկայական համբավ ու անառարկելի հեղինակություն ողջ հայության մեջ:

Աշխատության հեղինակն իրավացի է, երբ գրում է, թե հենց իրիմյանի ջանքերով էր, որ Կ. Պոլսի հայությունը սկսեց ճանաչել ու սիրել Հայաստանը: Այս ժամանակահատվածում է, որ նա կարողացավ ժամանակի համար զարմանալի ու հանդուգն գործեր կատարել՝ ուղղակի Արևմտյան Հայաստանի սրտում հիմնել դպրոց, տպարան, հրատարակել առաջին հայ հանգեսը Հայաստանում «Արծիվ Վասպուրականին»:

Գրքում (գլուխ 2) ցույց է տրված, թե Վարազա վանքը լուսավորության փարոս գարձնելու իր ջանքերում ինչպիսի անհաղթահարելի թվացող խոչընդոտների էր հանգիստում Հայրիկը: Պոլսից տպարան բերելու համար տգետ արեղաններն այգանում էին նրան, ասելով. «Ի՞նչ այս երկաթին կտորները առիր բերիր մեզի»: Հետագեմ ուժերի սագրանքներն անկարող եղան իրիմյանին շեղել իր ճանապարհից:

Առաջին անգամ գիտական շրջանառության մեջ գնելով մեծաթիվ նորահայտ արխիվային փաստաթղթեր ու նյութեր, գրքի հեղինակն ընթերցողներին է ներկայացրել այն բեղմնավոր գործունեությունը, որ Մկրտիչ իրիմյանը ծավալել էր որպես Տարոնի հոգևոր առաջնորդ և Ս. Կարապետ վանքի վանահայր (գլուխ 3): Իբրև ժողովրդական փայլուն տրիբուն, նա եկեղեցու բեմերից ունկնդիրներին անդադրում քարոզում էր. «Մարգ եղե՛ք, կրթվեցե՛ք, լուսավորվեցե՛ք և քաջ եղե՛ք»: Ցույց է տրված, թե Հայրիկն ինչպես էր անձանձիր մտրակում հայերի մտածողությունը և նրանց մղում ազգային գիտակցության, հորդորում տեր կանգնել իրենց մարդկային արժանապատվությանը, կոչում ազատասիրական ոգորումների:

Իրիմյանի կյանքի հաջորդ շրջանը պայմանականորեն կարելի է համարել վարչաքաղաքական շրջան, որն իր մեջ ներառում է 1869-1893 թվականները: 1869 թ.

Հայրիկը կոչվում է պատրիարքության և իր բարձր պաշտոնի բերումով դառնում է թուրքահայության պահանջների թարգմանը Բ. Դոան մոտ:

Հայաստանից եկող աղիողորմ խնդրանքներն ու բողոքները մշտապես հանդիպում էին իշխանությունների անտարբեր վերաբերմունքին: Ավելին, նրանք ամեն ինչ անում էին անտանելի դարձնելու հայության կյանքը. անհետևանք էին մնում սուլթանական թագրիրները, քրդերն օր-օրի ուժեղացնում էին իրենց հարստահարումները և ասպատակությունները: Գրքի 4-րդ գլխում բերված բազմաթիվ օրինակներով աշխատության հեղինակը ցույց է տալիս, թե ըմբոստ ու խիզախ պատրիարքն ինչպիսի համարձակություններ ու հետևողականությամբ էր իր ժողովրդի բողոքի ու արդար պահանջների ձայնը հնչեցնում ելլողը Քեոչկում և նենգամիտ կառավարության մոտ: Իրիմյանը չէր ընկրկում իշխանությունների սպառնալիքների առջև, բայց սրանք տագնապած էին և ամեն առիթ օգտագործում էին նրան հեռացնելու պատրիարքի աթոռից: Ի վերջո, 1873 թ., այդ բանը նրանց հաջողվում է:

Աշխատության մեջ ցույց է տրված, որ պատրիարքությունից հրաժարվելուց հետո ժողովրդական շահերի խիզախ պաշտպանը չընկճվեց բախտի հարվածներից, այլ շարունակեց նույն եռանդով ծառայել ազգին:

Պատմաբանի հմուտ գրիչը ընթերցողին է ներկայացնում (գլուխ 5 և 6) հայության համար բախտորոշ 1870-80-ական թվականների իրադարձությունները և այդ խորապատկերի վրա՝ 1877 թ. ոռուս-թուրքական պատերազմի օրերին և դրան հաջորդած ժամանակաշրջանում իրիմյանի գործունեությունը:

Արևմտահայության ողբալի կացությունը բարվոքելու նպատակով Էնոլին մեկնած հայկական պատվիրակության ղեկավար իրիմյանն իր գործակիցների հետ մեծ ջանքեր թափեց, որպեսզի բազմատանջ արևմտահայության վրա բեռնի եվրոպական կառավարությունների հետաքրքրությունը և ուշադրությունը, նրանց մոտ համակրանք առաջացնի հարստահարվող ժո-

դովորդի արդարացի պահանջների նկատմամբ:

Ժամանակաշրջանի քաղաքական անցուղարձին քաղատեղյակ է: Կոստանդյանը կարողացել է նաև թափանցել մեծ տերությունների դիվանագիտական որոգայթների լաբիրինթոսը, որի մեջ ընկել էին Հզորների խարդավանքներին անտեղյակ և դեռ վառ Հույներ փայփայող Հայ պատվիրակները: Սակայն դառն իրողությունները սառը ցնցուղով սթափեցրին նրանց: Եվրոպան բնավ տրամադիր չէր Օսմանյան կայսրությունում իր շահերը վնասելու գնով, մարդասիրական մղումներով օգնություն ձեռք մեկնել թուրքական բռնակալության տակ Հեծող բազմաչարչար Հայությունը:

Բեռլինից վերադարձած իրիմյանը պատգամ հղեց Հայ ժողովրդին. տեր կանգնել սեփական իրավունքներին՝ հենվելով սեփական ուժերի վրա: Օրակարգում էր դրվում թուրքական բռնակալությունից գնեքով փրկվելու խնդիրը. գինվելու անհրաժեշտության մասին իրիմյանական կոչերը դառնում էին պայքարի ուղեցույց: Դիմելով իր ժողովրդին, նա ասում էր. «Դեռ պիտի կոտորվիք, դեռ պիտի մորթվիք այդ չքոտի քուրդերեն, քանի որ անգնե, անեղջուր, անսպար կապրիք», բայց չէ որ «դուք մարդ եք, ձեռք և բազուկ ունիք»: Նա շեշտում էր, որ ցանկալի ազատությունն անհնար է առանց գոհի ու արյան: Իսկ այդ արյան գինը կբարձրանա և գոհերի թիվը քիչ կլինի, եթե Հայն իր ձեռքում բռնած ունեենա գնեքը. «Վասնզի երբ քուրդ ու տաճիկ տեսնեն, թե քրիստոնյա ալ մեջքը սուր կախեր և իրենց նման գինվոր եղեր է, բոլորովին պիտի փոխվին զանի իրենց Հավասար տեսնելով»:

Իրիմյանի մեծ ու ազնիվ գործերից մեկը թուրքահայաստանի բնակչությունը սովից փրկելու ուղղությամբ նրա թափած ջանքերն էին, որոնց լուսաբանմանը նվիրված են աշխատության շատ էջեր: Հատկապես շեշտված է, որ Հայրիկը առանց ազգի ու կրոնի խտրության Հայ ու ալյուր էր բաժանում բոլոր սովյալներին՝ վաստակելով նրանց երախտագիտությունը:

Գրքում հանգամանորեն խոսք է գնում իրիմյանի երուսաղեմյան աքսորի մասին: Դա այն ժամանակն էր, երբ տաճկահայ դատը մտել էր եռուն ու հրատապ շրջանի մեջ, երբ հիսուն տարվա ընթացքում Հայրիկի ցանած սերմերը արգասավորվում էին Հայության մեջ առաջ բերելով դիմադրական Հզոր Հոսանք:

Սյանքի վերջին մեկ ու կես տասնամյակը Հայրիկը, որպես Ամենայն Հայոց կաթողիկոս, անցկացրեց էջմիածնի պատերից ներս: Այդ ժամանակաշրջանի նրա գործունեությունը լուսաբանված է աշխատության վերջին 6-րդ գլխում: Դա Հայության Համար արյունալի նոր նախճիրներով ու աննախադեպ կոտորածներով լի ժամանակաշրջան էր: Հեղինակը ցույց է տալիս ձերբանկարի Հոգեկան տվյալանքները արևմտահայության 1895-1896 թթ. զանգվածային ջարդերի օրերին, ռուսական իշխանություններից նրա կրած հիասթափությունները: Իրիմյանն ականատես եղավ դուրիցիյան ռեժիմի դաժանություններին. Հայկական դպրոցների փակում, անիմաստ Հալածանքներ, եկեղեցական կավածների գրավում: Տեսավ նաև Հայ մարտիկների անվեհեր կոտորելը 1905-1906 թթ. Անդրկովկասում թուրք-Հայկական ընդհարումների ժամանակ: Այս բոլոր իրադարձություններին նա, իբրև ժողովրդի Հոգևոր առաջնորդ, միջամտում էր կոնզակներով, բողոքի թղթերով, քարոզներով:

Աշխատության մեջ առանձին խոսակցություն է գնում Մկրտիչ իրիմյանի թողած դրական ժառանգության մասին: Իր երկարատև կյանքի ընթացքում Հայրիկը ստեղծել է բազմաթիվ դրական երկեր՝ պարզ, կրթիչ և աշխարհիկ ոգով: Այո, աշխարհիկ, որովհետև նրա ինչպես գրչի արգասիքները, այնպես էլ եկեղեցական քարոզները Հյուսիսում էին ոչ թե կրոնական սխոլաստիկ կանոնների հենքի, այլ ժողովրդի կենդանի կյանքի վրա:

Գրական իր փայլուն ստեղծագործություններում իրիմյանը գարգացրել է Համամարդկային վեհ գաղափարներ, միաժամանակ լուսարձակել Հարազատ ժողովրդի անհուն ցավերը, նրան կոչել ինքնաճանաչողության ու կազմակերպվածության,

զգաստություն և ըմբոստություն: Այդ են վկայում նրա «Հրավիրակ Արարատյան» (1850), «Հրավիրակ երկրին ավետյաց» (1851), «Հիսուսի վերջին շաբաթ և խաչի ճառ» (1876), «Դրախտի ընտանիք» (1876), «Վանդույթ» (1877), «Հայգույթ» (1877), «Սիրաք և Սամվել» (1878), «Պապիկ և թոռնիկ» (1894), «Բարենորոգմանց ծրագիր» (1909) և այլ աշխատություններ:

Է. Կոստանդյանը կատարում է իրիմյանի աշխատությունների պատմաքննական հմուտ վերլուծություններ, միաժամանակ ցույց է տալիս իր ակտիվ վերաբերմունքը գրանց բովանդակության, գրանցում արծարծված խնդիրների նկատմամբ: Նա իրավացիորեն ընդգծում է, որ իրիմյանի աշխատություններում տեղ գտած վեհ դադափարներից, մտքերից, հորդորներից շատերն այսօր էլ արդիական են, որ Հայրիկի տված բարոյական շատ դասեր ու ավանդներ այժմ էլ պահպանում են իրենց հնչեղությունը, հաստատելով հին ու նոր բարոյական բազմաթիվ չափանիշներ և արժեքներ: Հեղինակը գրանցից առանձնացնում է մի քանիսը.

1. Որքան այժմեական են հնչում ազգային հարստահարիչներին՝ աշխատավոր ժողովրդի քրտինքով հղիացած փողամուկներին, ուրիշի աշխատանքի արդյունքները հափշտակողներին, համախններին ու գողբաններին ձաղկող խրիմյանական խոսքերը: Միաժամանակ Հայոց Հայրիկն ընդգծված համակրանք ունեն դեպի աղքատ ու գրկված խավերը:

Վերլուծելով իրիմյանի «Ժամանակ և խորհուրդ յուր» աշխատությունը, մենագրության հեղինակը նկատում է, որ առաջ քաշելով սոցիալական սուր հարցադրումներ, Հայրիկը դրանով իսկ բարձրացել էր դասակարգերի դոյություն ըմբռնման մակարդակի:

2. Անարդար կլիներ անտեսել ներսես Աշտարակեցու, Մատթեոս Իգմիրլյանի, Մաղաքիա Օրմանյանի և ուրիշ եկեղեցականների հայրենասիրական գործերը, եղել են նաև ուրիշ լավ, սրտացավ հոգևորականներ, բայց անհնարին է ժխտել, որ հոգևոր հիերարխիան թեև դարեր շարունակ ապրել է աշխատավոր մարդկանց

քրտինքի հաշվին, բայց միշտ կանգնած է եղել իշխանություն ունեցողների ու փողատերերի կողքին. հոգևոր հայրերի նպատակներից մեկը եղել է խոնարհ վիճակում պահել ժողովրդին, թույլ չտալ նրա ըմբոստացումը:

Լինելով հոգևոր դասի ներկայացուցիչ, իրիմյանը, սակայն, իր աշխատություններում և քարոզներում բուռն քննադատության էր ենթարկում ժամանակի հայ կղերին՝ քսությունների ու մատնությունների, պաշտոնամոլության ու արծաթասիրության համար, չարիք էր համարում էջմիածնում տիրող վարք ու բարքը: Հայրիկը մշտապես շեշտում էր, որ կրթության և լուսավորության գործը պետք է լիովին դուրս բերել եկեղեցու իրավասությունների ոլորտից և ամբողջովին հանձնել աշխարհիկ մտավորականությանը:

Ներկայումս, ցավոք, Հայաստանում գիտական աթեիզմը ենթարկված է բանադրանքի և ամենուր մղվում է կրոնի անսանձ պրոպագանդ, մոռացության են տրված Վոլտերի և Մոնտեսքյոյի, Րաֆֆու և Թումանյանի, գիտության և մշակույթի անցյալի լուսավոր անունների հակաընդհանուր պայքարի ավանդները, երեկվա ծայրահեղ աթեիստներից շատերը դարձել են կրոնի կատաղի պրոպագանդիստներ, միջնադարյան կղերական դադափարները թափանցում են հանրապետության աշխարհիկ դպրոցները, սովահար երկրում եկեղեցաշինության մոլադար վազք է, իսկ վարդապետներն ու եպիսկոպոսները մի պտղունց արծաթի համար աղոթքներով օրհնում են գիշերային գվարձալիքների նորաբաց օբյեկտներ, որոնցում ավերվում է նոր սերնդի ոգին:

Ահա այս ամեն արհավիրքի դեմ այսօր հառնում է խրիմյանական խղճի մաքրությունը, Հայրիկի բարոյական վեհ նկարագիրը:

3. իրիմյանը փոքր ազգերի, այդ թվում Հայ ազգի, հարատևության գաղտնիքը տեսնում էր ընտանիքի ամրության, ընտանեկան սրբությունների և բարոյական արժեքների պահպանման մեջ, գովք էր հյուսում Հայկական բազմամարդ գերդաստաններին: Նա նշում էր, որ Հայ ընտա-

նիքների քայքայումը Հետևանք է երկու հիմնական սլատճառի. մի կողմից շոսյլ ու ցոփ կենցաղի, այն է՝ խաղամոլության, Հարրեցողության, անառակության, ցանկասիրության, մյուս կողմից՝ ծայրաստիճան չքավորության:

Ցավով ենք նշում, որ մասսայական չքավորության և դրա զանազան դրսևորումների պատճառով ներկայումս մեզանում խարխլվում ու քայքայվում են բազմաՀազար Հայ ընտանիքներ, երիտասարդության մի ստվար զանգված գրկված է ընտանիք կազմելու Հնարավորությունից, վտանգավոր չափեր է ընդունել ծննդաբերության անկումը Հայաստանի Հանրապետությունում և Արցախում:

4. Իր աշխատություններում և քարոզներում Մկրտիչ իրիմյանը ցավով էր անդրադառնում պանդխտության Հարցին, որի գնալով մեծացող ծավալները դիտում էր որպես ազգային գոյության սպառնալիք: ԱՀազանացող արտագաղթի մեր օրերում որքա՛ն արդիական են օտար ափերում բարիքներ ձեռք բերելու մղումով նվիրական վայրերից Հեռանալ ձգտող Հայորդիներին ուղղված նրա կոչերը: Հայրիկը Հորդորում էր. «Ո՛վ որդիք Հայոց, մի Հեռանայք, սիրեցեք Մասիսը, յուր տապան,... մշակեցեք նոցա ձեռնատունկ այդին՝ Այրարատ դաշտը: ... Մասիսը ձեր Հայրենի սեփական տունն է, թող չեն մնա ձեր տունը»:

5. Միանգամայն իրավացի է մենագրության Հեղինակը, երբ շեշտում է, թե նախկինում եվրոպական, Հատկապես անգլիական, կողմնորոշում ունեցող իրիմյանը Բեռլինի կոնգրեսից Հետո, Հատկապես 1880-ական թվականների կեսերից սկսած, իր ժողովրդի փրկության Հույսը ամբողջովին կապել էր Ռուսաստանի, ուսու ժողովրդի ազատագրական առաքելության Հետ, չնայած ականատես է եղել Ալեքսանդր III ցարի, իսկ Հետագայում նաև՝ Կովկասի կառավարիչ Գոլիցինի վարած Հակահայկական քաղաքականությանը: Ավելին, իր կյանքի վերջին երեսուն տարում իրիմյանը փայփայում էր ուսական գորքերի կողմից Արևմտյան Հայաստանի գրավման իղձը:

Իրիմյանի ուսական կողմնորոշումը միանգամայն Համահունչ է Հեղինակի՝ նույն խնդրի վերաբերյալ տեսակետին, որն իր աշխատության մեջ Հանդես է դալիս որպես Հայ-ուսական դարավոր բարեկամության Հետևողական պաշտպան, ջերմ զգացմունքներ է տածում Ռուսաստանի, ուսու ժողովրդի ու նրա կուկտուրայի նկատմամբ:

Հաճելի է արձանագրել, որ փաստալից ու կուու տրամաբանությամբ դրված խնդրո առարկա այս գիտական աշխատության մեջ նվազ են թերությունները և մենք, իբրև գրախոս, դժվարին կացության մեջ ենք՝ ավանդույթի Համաձայն պարտավորված լինելով, այնուամենայնիվ, որոշ դիտողություններ անելու:

Իր Հերոսի նկատմամբ տածած անկեղծ Հիացումը գրքի Հեղինակին կաշկանդել է որոշ ճշարտություններ ասել Հայրիկի կաթողիկոսական տարիներին էջմիածնում տիրող վարք ու բարքի մասին. Հարկ չկա ամեն ինչ արդարացնել ազգային-ազատագրական շարժման մեջ, քանի որ Հայոց երկարատև պայքարում եղել են նաև ճակատագրական սխալներ. գրքում միասնական թուրք ազդի գաղափարն արտաբերված է օսմանիցմից, այնինչ այդ գաղափարը երիտթուրքական շարժման ծնունդ էր (թուրքիզմ):

Ինչպես տեսնում ենք, մեր դիտողություններն աննշան են այն մեծ աշխատանքի դիմաց, որ կատարել է պատմաբան էմմա Կոստանդյանը: Նրա գիրքը Հայ պատմագրության վերջին տարիների կարևոր նվաճումներից է: Աշխատությունը պատիվ է բերում ոչ միայն Հեղինակին, այլև Պատմության ինստիտուտին, որի գիտական մթնոլորտում է ստեղծվել այն: Մենագրության բազմաթիվ էջեր ընթերցողին պատճառում են նաև դեղագիտական Հաճույք: Նույնիսկ շատ տարիներ արևմտահայոց պատմությանը զբաղվող մասնագետներից շատերն այս ուսումնասիրության մեջ իրենց Համար կգտնեն ոչ քիչ նորություններ:

ՀՐԱԶԻԿ ՍԻՄՈՆՅԱՆ